



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispositio Et Perioche Historiae Evangelicae Per IIII.
Euangelistas contextæ, necnon Actuum apostoloru[m],
Epistolaru[m] quoq[ue] Pauli XIII. & Canonicaru[m] VII.**

Bullinger, Heinrich

Tigvri, 1553

VD16 B 9605

Liber III.

urn:nbn:de:hbz:466:1-35634

EVANGELIUM

autem & semetipsum defendit à calumnijs hostiū. Vbi
cōmodum adiungit disputationes aliquot de ieiunio &
precibus, de idoneis & nō idoneis auditoribus euange-
lij, deq; sabbato & ferijs, quibus errores & abusus rea-
darguit, ueram autem doctrinam restituens asserit.

LIBER III.

Cap. 6.

Instituuntur
apostoli.

INNOTUIT hucusq; discipulis suis dominus &
redemptor noster Christus, ad hoc peculiariter uo-
catis, ut erudirentur & magistri fierent omniū in terra
nationum, his adiungit iam & alios quosdam quos om-
nes consecrans iubet esse apostolos, id est legatos, quos
aliquando mittat in mundum. At priusquam eos dimittat,
plenius & familiarius instituit. Declarat enim eis
rursus quis sit, quid possit, delineans præterea quod ge-
nus doctrinæ sequantur. Nam factis prodit uirtutem di-
uinam: sermonibus tradit quæ sit uera doctrina, quæ
uera felicitas uel infelicitas, quæ sint officia pietatis fide-
lium, & quod perfectissimam iustitiam exigat à suis do-
minis. Lucas enim consignat integrum sermonem do-
mini habitum in frequenti hominum turba & in coro-
nâ discipulorum. Quo sermone inter alia diligenter
monet dominus ut caueamus nobis à pseudodoctoribus,
de quibus non indiligenter differit, in fine sermonis sub-
iungens

lingens nō satis esse audire uerbum dei, nisi factis pijs,
id quod uerbo didicimus, exprimamus.

Sermoni huic domini adiungit rursus Lucas facta Cap. 7.
quibus saluificam suam uirtutem exerit dominus. Resti-
tuit enim Centurionis seruū. Excitat deinde ex mortuis
filium cuiusdam Naimiticae uiduae, ea re demonstrans se
esse uitae & mortis dominū. Adsunt et discipuli ioannis,
& c domino quaestionem proponunt: cuius occasione de-
clarat se esse illum expectatū Messiam. Deinde & ioan-
nem laudibus extollit amplissimis, quo plures commoue-
ret ad credendum illius testimonio, qui constanter testi-
ficatus fuerat Iesum esse Christum. Postremo grauisime
increpat phariseorū incredulitatem, qua fieri ostendit,
ut ipsi pereant uitio et culpa propria. Mox adijcit pa-
radigma, quo colliquescat quomodo pharisei sibiipsis
nimium fidentes Christum respuant, peccatores autē cre-
dentes eundē recipiant, induciturq; peccatrix, cui recla-
mantibus multū phariseis gratuito remittuntur peccata.

His ad eum modum expositis, inducit rursus Lucas Cap. 8.
dominū docentē, & populū turba confertissima irruen-
tem, qua re occasionem praebent docendi parabola, quae
sit natura uerbi dei, quae auditorum diuersitas, quodq;
non approbet auditores quoslibet, sed fructificantes
duntaxat. Illis subiicitur descriptio tempestatis & quo-
modo discipulis perturbatissimis tranquillitas reddita

E V A N G E L I V M

fit à domino, qui hic quoq; ut aliàs sæpe declarat se temptatum potentem satanæq; esse uictorem. Nam nullis armis, sed uerbo solo totam diabolorum legionem fundit & fugat. Adhæc sanat mulierem quandam profluvio sanguinis irreparabiliter laborantē, ac excitat ex mortuis Iairi filiam.

Cap. 9.

His omnibus in uera fide & pietate erudit fidelium mentes, discipulorū suorum in primis, quos aliquandiu iam institutos tandem etiam ablegat ad munus prædicandi, datis nonnullis præceptis peculiaribus quomodo se gerant præscribentibus. Redeuntes uero re satis feliciter peracta excipit peramice dominus, eosdem iam amplius instituēs, quo & rebus paret maioribus & confirmationes reddat in uero. Epulū itaq; exhibet turbe. Interrogat quem se esse dicant turbe, & quid de ipso sentiant discipuli: ubi se ueræ fidei confessio aperit. ibidem docet sui abnegationem: ac transformatur in oculis delectorum discipulorum. Iterum uero rebellantem & sauisime furentem sathanam uincit & fugat. Dissertit de passione & morte sua: mox & humilitatem atq; modestiā diligentissime inculcat discipulis, ambitionē & superbiam radicitus extirpat. Vbi etiā docet neminem contemnendum aut reijciendū esse, qui non aliquo modo gloriā Christi promouet. Hoc autē modo erudiuit quos destinauit orbi dare doctores, & in his totam ecclesiā.

Lib.